



## **Universitätsbibliothek Paderborn**

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

**Genet, François**

**Parisiis, 1703**

Caput XI. De frequentatione Sacramenti Eucharistiæ.

**urn:nbn:de:hbz:466:1-40834**

*De Sacram. Euchar. Cap. XI. 193  
mento Calicis infudit. Tunc sequitur singu-  
lus & vomitus : in corpore atque ore violato  
Eucharistia permanere non potuit.*

In Concilio Tridentino habetur , quod plu-  
ribus in locis Eucharistia olim pueris statim  
post Baptismum dari consueverat , quod certè  
sub sola vini specie fieri poterat . Neque ideo Concil. Trid.  
tamen , inquit Concilium , ~~damnanda~~ est an- sess. 21. cap.  
tiquitas , si eum morem in quibusdam locis <sup>4.</sup>  
servavit . Ut enim sanctissimi illi Patres sui  
facti probabilem causam pro illius temporis  
ratione habuerunt ; ita certè eos nullā salutis  
necessitate id fecisse sine controversia creden-  
dum est .

Hæc etiam Ecclesiæ consuetudo , quâ pueris  
Eucharistia olim dabatur , apertè ostendit &  
probat , Fideles non putasse , Corpus & san-  
guinem Domini nostri Jesu-Christi sola fide  
in hoc Sacramento sumi ; cùm enim pueri  
nullum fidei actum elicere possent , hoc Sa-  
cramentum illis planè inutile fuisset .

---

## C A P U T   X I .

*De Frequentatione Sacramenti Eucha-  
ristie & de dispositionibus ad illud  
recipiendum requisitis.*

Quest. I. **E**S T N E necessarium crebrò ac-  
cedere ad Eucharistie Sacra-  
mentum ?

Resp. Generaliter loquendo præstat sæpius  
ad illud accedere , quâm ab eo abstinere , jux-  
ta id quod habetur in Concilio Tridentino :

*Optaret quidem Sacro-sancta Synodus , ut in Conc. Trid.  
singulis Missis Fideles adstantes non solum sess. 22. cap.  
spirituali affectu , sed sacramentali etiam Eu-* <sup>6.</sup>

*Tomus III.*

I

## 194 TRACTATUS IV.

charistia perceptione communicarent, quod ad eos hujus sanctissimi sacrificii fructus uberior proveniret.

D. Th. in 4.  
dist. 12. q. 3.  
art. 2. in ref.  
pons. ad 3. q.  
Et ut ait Divus Thomas: Dicendum, quod in his qua sunt ex genere suo bona, peccatum non accidit, nisi ex aliquo accidente, dum inordinate explentur, & ideo in eis proficere per se bonum est: sed abstinere ab eis non est bonum, nisi ratione accidentis alicujus. Vnde cum Eucharistiam accipere sit bonum ex genere, assumere eam est bonum per se; abstinere est bonum per accidens; in quantum scilicet timetur ne inordinate sumatur. Et quia quod est per se, præjudicat ei quod est per accidens; ideo simpliciter loquendo melius est Eucharistiam assumere, quam ab ea abstinere. Videri potest Decretum de Communione quotidiana. Tom. 4. in fine.

Quæst. 2. In praxi est-ne consulendum Sacerdoti ut quotidie celebret, aut Laïco, ut singulis diebus Eucharistiam percipiat?

S. Th. in 4.  
dist. 12. q. 3.  
art. 1. in ref.  
pons. ad 2.  
Resp. Dicendum cum Divo Thoma, quod in hoc Sacramento duo requiruntur ex parte recipientis; scilicet desiderium conjunctionis ad Christum, quod facit amor; & reverentia Sacramenti, quæ ad donum timoris pertinet. Primum quidem incitat ad frequentationem hujus Sacramenti quotidianam; sed secundum retrahit. Vnde si aliquis experimentaliter cognosceret, ex quotidiana sumptione fervorem amoris augeri, & reverentiam non minui, talis deberet quotidie communicare. Si autem sentiret per quotidiam frequentationem reverentiam minui, & fervorem non multum augeri, talis deberet interdum abstinerere, ut cum majori reverentia & devotione postmodum accederet. Vnde quantum ad hoc, unusquisque relinquendus est iudicio suo.

*De Sacram. Euchar. Cap. XI. 195*

Et Gennadius in Canone *Quondam*, qui Ca-  
non vñ'gō tribuitur Divo Augustino , ait :  
*Quotidie Eucharistia Communionem percipe-*  
*re, nec laudo nec vitupero : omnibus tamen*  
*Dominicis diebus Communionem suadeo &*  
*hortor , si tamen mens sine affectu peccan-*  
*di sit.*

*Can. Quotidie.  
De Consecr.  
dist. 2.*

Dixerit quispiam , ait Divus Augustinus, *S. Aug. Ep. 4*  
non quotidie accipiendam Eucharistiam , *alius 118. ad Ja-*  
affirmet quotidie : faciat unusquisque quod se- *nuarium, cap.*  
cundum fidem suam pie credit esse facundum, *3.*  
neuter enim horum exhonarat Corpus & san-  
guinem Domini , si saluberrimum sacra-  
mentum certatim honorare contendunt : Neque  
enim litigaverunt inter se , aut quisquam eo-  
rum se alteri preposuit Zacheus & ille Cen-  
turio ; cum alter eorum gaudens in domum  
suam suscepit Dominum ; alter dixit , Non  
sum dignus ut intres sub tectum meum , ambo  
honorificantes Salvatorem diverso & quasi  
contrario modo : ambo peccatis miseri , ambo  
misericordiam consecuti . Ad hoc valet , quod  
Manna secundum propriam voluntatem in ore  
cujsusque sapiebat.

*Circa Sacerdotes* , ait sanctus Bonaventura, *S. Bonav. lib. 2. de Profec-*  
potest hæc forma teneri , ut nec nimis raro , *tu Religio-*  
nec nimis continuò celebrare vel imprater-*for. cap. 77.*  
missè sacram Hostiam studeant immolare : ni-  
mis enim continuè celebrare , aliquam videtur  
notare irreverentiam , cum vix aliquis sit  
tam devotus , qui semper eadem devotione  
ferveat , quod semper cum debita reverentia  
illud faciat & cordis ardore , quin aliquando  
reperiatur quantumcumque quod cum impe-  
diat.

Hoc autem de vulgaribus intelligendum est  
Sacerdotibus , non vero de iis qui singulari  
pictate fulgent , qui exemplo plurimorum

## 196 TRACTATUS IV.

sanctorum quotidie celebrantium , aut communicantium , ad sacram Eucharistiam sine interruptione accedunt : sed id etiam confundere potest plures Sacerdotes , qui munia , & obligationes tam sancto statui convenientes saepius negligunt , & tamen à celebratione quotidiana nunquam desistunt , licet parum de emendatione cogitent .

*Quæst.* 3. Quot sunt dispositiones ad percipiendam cum fructu sacram Communionem ?

*Resp.* Duplicis sunt generis ; aliæ se tenent ex parte Corporis , aliæ ex parte animæ .

*Quæst.* 4. Quænam sunt Corporis dispositiones ad Communionem requisitæ ?

S. Carolus  
Actor. p. 4<sup>6</sup>  
De Sacram.  
Eucharis.

*Resp.* Egregiè illas describit sanctus Carolus dum ait : Opus est ut jejunii fideles ad sacram mensam accedant ; ita ut saltem dimidia antecedentis diei nocte usque ad illud temporis punctum quo Eucharistiam accipiunt , nihil omnino comederint , aut biberint . Sed prætantissimi hujus Sacramenti dignitas hoc postulat , ut qui matrimonio juncti sunt , aliquot dies à concubitu uxorum abstineant , Davidis exemplo admoniti , qui propositionis Panes cum à Sacerdote suscepimus esset , se suosque pueros ab uxorum consuetudine pueros jam tres ipsos dies esse professus est ; & ex Canone etiam veteri , qui tres , vel quatuor , vel etiam octo dies abstinentia in hoc genere proponit . Quod ad Corporis habitum pertinet , quem in sacra Communione adhibeant , hac Parochus præmonebit & curabit , ut summa reverentia omniq[ue] humilitate Fideles accedant ac sumant , oculis non vagis , sed in Christi Corpus piè conjectis , ore supra panum lineum suppositum modestè porrecto , capite non demisso , lingua paululum labrum in-

ferius intus attingente, non tamen extra os  
prominente, in qua particulam suscipiant:  
neque linguam ipsam retrahant, priusquam  
Presbyter manum removerit: tum vero caput  
humiliter demittant, ita etiam ut suspiriis  
abstineant, quibus particula possint excuti:  
pallio quantum fieri potest adhibito, non birre-  
tis, pileisve plumâ inaniter ornatis, armis  
depositis; toto denique Corporis habitu decen-  
ti, humili & modesto, non sordido. Mulieres  
non sumptuosis, non caudatis vestibus, non  
crinibus inaniter intortis, non fuso, aut  
pigmentis vultu illito; non pectore nudo, aut  
tenui velo obtecto, sed ita vestito, ut preter  
faciem quidquam nudum non cernatur, velo  
denso super faciem demisso. Canone Liquido.  
De Consecr. dist. 2. Placuit Spiritui sancto, ut  
in honorem tanti Sacramenti, in os Christiani  
prius Dominicum Corpus intraret quam ceteri  
cibi. Can. Omnis homo. De Consecr. dist. 2.  
Omnis homo ante sacram Communionem à  
propria uxore abstinere debet tribus, aut qua-  
tuor, aut octo diebus.

Et sanctus Hieronymus supra Matth. relatus  
à Divo Thoma ait; *Si Panes propositionis ab S. Tho. 5. p.  
bis qui uxores tetigerant, comedи non pote- q. 80. art. 7.  
rant: quanto magis ille Panis qui de caelo des- ad 2.  
cendit, non potest ab his qui conjugalibus  
paulò ante hascere complexibus violari atque  
contingi?* Quod etiam expressè habetur in  
Epistola 50. sancti Hieronymi, ad Pamma-  
chium.

Rationem affert Divus Bonaventura his ver-  
bis: *Ad illud quod objicitur de coniunctione S. Bonav. in  
cum uxore, dicendum, quod raro contingit 4. sent. dist.  
quod homo conjugatur secundum illum ac- 12. q. 3. p. 2.  
tum debitum exigendo, quin sit sibi aliqua in fine,  
culpa. Si autem solùm reddendo debitum, non*

## 198 TRACTATUS IV.

credo quod debeat retrahi, nisi de congruo, vel etiam causâ prolis.

Id ipsum clare explicat sanctus Gregorius  
S. Greg. in relatus in Canone, dum ait: Si quis ergo sua  
Can. Vir cum conjuge non cupidine voluptatis captus, sed  
propria. 33. solummodo liberorum creandorum gratiâ uti-  
q. 4. tur, ipse profectò de ingressu Ecclesie, seu de-  
sumendo Corporis Dominici sanguinisque mys-  
terio, suo est relinquendus iudicio; quia à  
nobis prohiberi non debet accipere, qui in igne  
positus nescit ardere. Cùm verò non amor pro-  
creanda sobolis, sed voluntas dominatur in  
opere commixtionis, habent conjuges etiam  
de sua commixtione quod defleant.

Quod quidem satis ostendit, secundum com-  
munem Canonum Patrumque doctrinam, eos,  
qui matrimonii debitum perendo aliam habue-  
re intentionem, quam prolis generationem,  
quod tamen sapè contingit inter conjuges, ad  
hoc Sacramentum eodem aut sequenti die ac-  
cedere minimè debere.

S. Tho. 3. p. Sanctus Thomas Patrum sententias inter-  
preteratur, dum ait: Dicendum quod coitus  
q. 80. art. 7. conjugalis, si sit sine peccato, (puta si fiat  
ad 2. causâ prolis generande, vel causâ reddendi  
debitum) non alia ratione impedit sumptio-  
nem hujus Sacramenti, nisi, sicut dictum est  
de pollutione nocturna, qua accidit sine pec-  
cato: scilicet propter immunditiam corporalem  
& mentis distractionem.

Inter alias externas dispositiones à sancto  
Carolo superiùs indicatas, illa certè à mulie-  
ribus præcipue observanda est, ut scilicet ad  
sacram mensam pectore aperto accedere non  
audeant; cùm præsertim in Edicto ab Eminen-  
tissimo Cardinali Carpegna Vicario, de man-  
dato Innocentii XI. publicato reperiantur hæc  
Editto del 30 Nov. 1683. verba vulgaria: Si comanda per parte della

Santità sua, in virtù di santa obbedienza, à tutte le Donne di qualsivoglia stato, grado, e conditione si siano, che non comparischino per le strade, ne altri luoghi publici, ne rispettivamente l'arteggiante nelle loro botteghe, e molto meno si faccino vedere per le Chiese con il petto, ò spalle, ò braccia scoperte; mà copri-  
nō le spalle e il petto sino al collo, e le braccia  
sino à i polsi delle mani, con drappo ò altra cosa  
che sia densa e non transparente: Prohibendo  
ne contrafuentes ad Sacraenta Pœnitentiæ,  
aut Eucharistiae admittantur.

Quæst. 5. Licet-ne in aliquo casu etiam non  
jejunis porrigere Eucharistiam?

Resp. Potest quidem Viaticum brevi morituris dari non jejunis, ut ait Rituale Romanum. Quod etiam definitum fuit in Concilio Constantiensi his verbis: *Decrevit ac definit, Conc. Conf. quod licet Christus post cœnam instituerit & discipulis administraverit hoc venerabile Sa- cramentum; tamen, hoc non obstante, sacro- rum Canonum autoritas & Ecclesiæ approbata consuetudo servavit & servat, quod hujusmodi Sacramentum nec post cœnam conficiatur, nec sumatur à non jejunis, nisi in casu infirmitatis, aut alterius necessitatis à jure vel Ecclesia concesso vel admisso.*

Observandum tamen cum Divo Thoma, quod Reliquie cibi remanentes in ore, si ca-  
sualiter transglutantur, non impediunt sump-  
tionem hujus Sacramenti; quia non trahiciun-  
tur per modum cibi, sed per modum salivæ. Et  
eadem ratio est de reliquiis aquæ vel vini,  
quibus os abluitur, dummodo non trahician-  
tur in magna quantitate, sed permixta sali-  
va; quod vitari non potest.

Quæst. 6. Infirmus periculosè laborans, qui  
semel non jejunus communicavit, potest-ne

## 200 · T R A C T A T U S I V.

pluries etiam non jejonus communicare?

*Resp.* Hujusmodi infirmus multoties Eucharistiae Sacramentum etiam non jejonus percipere potest perseverante morbo, vel ingraevemente morbi periculo. *Quod si ager, dicitur in Rituali, sumpto Viatico supervixerit, vel mortis periculum evaserit, & voluerit communicare, ejus pio desiderio non deerit Parochus, quoties aquum videbitur: quin & per modum Viatici, infirmo, etiam non jejunio iterum concedet, si postquam convalescerit, denudo in aliquod grave mortis periculum, incidet: Maternâ Ecclesiæ indulgentiâ, quæ in Concilio Constantiensi congregata eam facultatem ægrotantibus impertiit, ut non jejunii communicarent gaudere poterit ægrotus: Hæc autem Concilii facultas, cùm non sicut unam vicem redacta, sed indefinite concessa, patet eam à Concilii Patribus indultam, ut quoties justa necessitas exigeret, ægrotantibus non jejunis hoc Sacramento jam semel donato, interjecto inter utriusque Viatici perceptionem sex, aut octo dierum spatio, iisdem etiam non jejunis saluberrimum denudo Viaticum concederetur.*

*Quæst. 7. Pollutiones quæ aliquando in somno contingunt, impediunt-ne perceptiōnem sacræ Communionis?*

*Resp.* Divus Thomas tum scientia tum puritate Angelorum æmulator, huic quæstiōni solidissimè sic respondet: *Pollutio quandoque ex illusione accidit, quando phantasmata per causam extrinsecam spiritualem, scilicet demones, commoventur. Quandoque ex reliquis præteritarum cogitationum: quod est causa spiritualis intrinseca. Quandoque ex causa intrinseca naturali, quæ quidem causa, vel fuit voluntati subjecta, sicut est quando ex*

s. Tho. in 4.  
di t. 9. art.  
4. q. 1. in res-  
pons. ad 2.  
quæst.

superfluitate cibi aut potūs præcedente , pollu-  
tio accidit ; vel non fuit voluntati subjecta,  
sive accidat ex debilitate natura & impotentis  
retinere semen , sive ex ejus virtute superflua  
expellentis , sive quocumque alio modo , in  
idem redit . Secundò distinguitur pollutio quan-  
tum ad modum . Quia quandoque accidit sine ee  
imaginatione , quandoque cum imaginatione ; ee  
hoc dupliciter , quia quandoque in ipsa somni ee  
imaginatione homo turpitudini consentit , ee  
quandoque dissentit , & tamen pollutio accidit . ee  
Quando ergo sine imaginatione pollutio acci- ee  
dit , signum est quod pollutio ex causa sit cor- ee  
porali intrinseca ; sed quando cum imagina- ee  
tione , potest sic vel sic esse . In omnibus igitur ee  
prædictis pollutionibus , corporalis immuni- ee  
ditia est communis : sed quædam mentis hebe- ee  
tatio non est , nisi in illis pollutionibus quæ ee  
cum imaginatione accidentur ; quia in illis quæ ee  
sine imaginatione accidentur , anima nihil par- ee  
ticipare videtur . Nulla autem dictarum est ee  
peccatum , ut ex dictis patet ; sed potest esse ee  
effectus peccati , significans præcedens pecca- ee  
tam vel veniale vel mortale . Peccatum autem ee  
mortale ex necessitate à perceptione Euchari- ee  
tiae impedit : quia mortaliter peccat , qui cum ee  
conscientia peccati mortalis accedit : hebetudo ee  
autem mentis & immunditia corporalis , ex ee  
quædam decentia honestatis , quia indevotio ee  
quædam videtur sic accedere , nisi necessitas ee  
urgeat . Et ideo considerandum est utrum in ee  
causa pollutionis possit inveniri peccatum præ- ee  
cedens , quia cogitatio turpium quandoque est ee  
sine peccato , sicut cùm in cogitatione tantùm ee  
manet , ut cùm quis disputans de talibus , opor- ee  
tet quòd loquens cogitet ; aliquando etiam ee  
cum peccato veniali , quando ad affectionem ee  
cogitatio pertingens in sola delectatione fini- ee

„tur ; quandoque etiam cum mortali , quando  
„consensus adjungitur ; & quia cogitationi tali  
„de propinquo est delectatio , & delektionis  
„consensus : Inde etiam in dubium potest verti,  
„utrum sequens pollutio ex peccato acciderit,  
„vel non , & aut veniali aut mortali : tamen ta-  
„men probabiliter potest conjici non præcessisse  
„consensum , quando in ipsa somni imaginatione  
„anima dissentit ; non tamen oportet quod si  
„consentiat , consensus in vigilando præcesserit,  
„quia hoc potest accidere propter ligamen ju-  
„dici rationis , quod quandoque magis , quan-  
„doque minus est liberum in somno . Unde in  
„tali pollutione , si ad causam recurrens dubitet  
„de consensu , omnino abstinere debet . Si au-  
„tem expressè invenerit consensum non præces-  
„sisse , & necessitas urgeat , aut aliqua causa  
„potior reformat pactum , potest accedere , aut  
„etiam celebrare non obstante corporis im-  
„munditia aut hebetatione mentis : aliàs si ne-  
„cessitas non incumbat , videtur non exhibere  
„reverentiam debitam Sacramento ; non tamen  
„si celebrat , mortaliter peccat , sed venialiter ;  
„sicut cum quis quandoque mentis evagatio-  
„nem patitur . Quando autem ex illusione acci-  
„dit , si illusionis causa in nobis præcessit , putà  
„cum quis inde votus ad dormiendum accesserit,  
„idem est judicium ac de pollutione quæ ex co-  
„gitatione præcedenti causatur ; si autem in  
„nobis causa non præcesserit , immo magis causa  
„contraria , & hoc frequenter accidat , & præ-  
„cipue in diebus quibus quis communicare de-  
„bet ; signum est quod diabolus homini fructum  
„Eucharistiae percipiendæ auferre conatur . Unde  
„in tali casu consultum fuit cuidam Monacho ,  
„ut in Collationibus Patrum legitur , quod  
„communicaret ; & sic Diabolus videns se non  
„posse consequi intentum , ab illusione cessavit .

*De Sacram. Euchar. Cap. XI. 203*

*Quæst. 8.* Quænam sunt animæ dispositio-  
nes, quibus communio redditur sacrilega?

*Resp.* Ut diximus ex Divo Thoma; pecca-  
tum mortale ex necessitate à perceptione Eu-  
charistiae impedit, quia mortaliter peccat,  
qui cum conscientia peccati mortalis accedit,  
aut sine tali conscientia, si ex ejus culpa, cre-  
dit separatum esse, & non sit, contra manda-  
tum Apostoli: *Probet autem seipsum homo;* & *i. ad Corin-*  
*sic de Pane illo edat,* & *de Calice bibat.* *th. cap. 11.*

Et ex Concilio Tridentino, in quo sic legi-  
tur: Ecclesiastica autem consuetudo declarat, *Conc. Tri-*  
*dent. less.* eam probationem necessariam esse, ut nullus  
sibi conscius mortalis peccati, quantumvis sibi *13. cap. 7.*  
contritus videatur, absque præmissa Sacra  
mentali Confessione, ad sacram Eucharistiam *cc*  
accedere debeat. *Quod à Christianis omnibus,* *cc*  
*etiam ab iis Sacerdotibus, quibus ex officio* *cc*  
*incubuerit celebrare, hæc sancta Synodus per-* *cc*  
*petuò servandum esse decrevit, modò non de-* *cc*  
*fit illis copia Confessoris; quod si, necessitate* *cc*  
*urgente, Sacerdos absque prævia Confessione* *cc*  
*celebraverit, quam primum confiteatur.* *cc*

*Quæst. 9.* Sufficit-ne ut quis immunis sit à  
mortali peccato, ad recipiendam cum fructu  
sacram Communionem?

*Resp.* Certum est, ad recipiendum totum  
Communionis fructum, non sufficere, ut quis  
immunis sit à quocumque mortali peccato, sed  
insuper requiri, ut immunis sit ab omni affec-  
tu voluntario venialium peccatorum, ut ha-  
betur in Can. *Quotidie*, quem Gratianus at-  
tribuit Divo Augustino, in quo sic legitur:  
*Quotidie Eucharistia Communionem perci-* *Can. Quo-*  
*pere, nec laudo, nec vitupero: omnibus ta-* *tit. De*  
*mén Dominicis diebus communicandum sua-* *Consecr.*  
*deo & hortor; si tamen mens sine affectu pec-* *dist. 29*  
*candi sit. Nam habentem adhuc voluntatem* *cc*

„ peccandi , gravari magis dico Eucharistiae per-  
 „ ceprione , quam purificari. Et ideo quamvis  
 „ quis peccato mordeatur , peccandi non habeat  
 „ de cætero voluntatem , & communicaturus  
 „ satisfaciat lacrymis & orationibus , & confi-  
 „ dens de Domini miseratione , qui peccata piæ  
 „ confessioni donare consuevit , accedat ad Eu-  
 „ charistiam intrepidus & securus. Sed hoc de  
 „ illo dico , quem capitalia & mortalia peccata  
 „ non gravant.

Huic Canoni innixus S. Franciscus Salesius,  
 in introductione ad vitam devotam , Philotheæ  
 suadet , ut singulis diebus Dominicis commu-  
 nicer , modo absit affectus ad peccata morta-  
 lia , & venialia. Quare hæc regula , ex sancto  
 Francisco Salesio , dari potest ; quod ad suadend-  
 dum alicui ut singulis diebus Dominicis com-  
 municet necesse est ut sit exemptus ab omni  
 peccato mortali , neque habeat affectum ad  
 veniale , & magnum habeat communicandi  
 desiderium. Ita suadet S. Franciscus Salesius

## 2. p. cap. 20.

*Quæst.* 10. Quid intelligis cùm asseris , de-  
 ponendum esse omnem affectum etiam venia-  
 lium peccatorum , ad fructuosè Communio-  
 nem percipiendam ?

*Resp.* Intelligo renunciandum esse ex animo  
 cuicunque rei , quæ Deum quamvis leviter  
 possit offendere ; & operam dandam hujus-  
 modi defectibus serio emendandis , ad quos se  
 quis propensum agnoscit.

S. Ansel-  
 mus in 1. „ Quare S. Anselmus ait : *Ante Communio-*  
 ad Corin- „ *nem* ubi est homo , versetur ante oculos ejus  
 th. cap. II. „ *imago* futuri judicii , & quidquid in se viderit  
 „ quod à judice venturo reprehendi possit & pu-  
 „ niri , ipso nunc in seipso reprehendat & puniat.  
 „ Peccata enim sive parva , sive magna , impu-  
 „ nita esse non possunt , quia aut homine pu-

niente aut Deo judicante plectuntur. cc

Verum autem , & præcipuum ex mediis , ad discernendum sit ne in nobis aliquis affectus peccati venialis , est expendere , seu examinare , an aliquam adhibeamus diligentiam , ut præveniamus naturæ nostræ , ad hæc peccata propensionem ; & fideliter applicemus remedia , quæ ab his eximere nos possunt . Sic qui propensus est ad levia mendacia proferenda , debet , quantum fieri potest , ante Communionem se retractare . Ille qui nimis propensus est ad sua commoda inordinate quærenda , deberet se exercere in aliqua mortificatione quotiescumque agnoscit amorem suarum commodatum illum impulisse ut Deum leviter offenderet : qui se ad vanam gloriam inclinatum videt , deberet se in rebus humilibus exercere , ut se abjectum ostenderet coram illis cuius estimationem inaniter prosequebatur , & sic de cæteris .

*Quæst. II.* Sufficit-ne ad frequentem Communionem carere affectu peccandi ?

*Resp.* Præterea requiritur , ex Divo Salesio supra citato , magnum communicandi desiderium . Quare S. Chrysostomus ait , *Nemo igitur cum nausea accedit , nemo remissus : sed excitati , ac incensi , ac ferventes omnes accedant.* Non videtis quantâ infantes animi alacritate mamillas arripiunt ? Qua pressione palpillis infigunt labia ? Non minori cupiditate nos quoque ad hanc mensam , & ad hujus Calicis spiritualem accedamus papillam ; imò verò majori desiderio quasi lactentes pueri gratiam Spiritū sugamus . Unus sit nobis dolor , una mœstria , si hoc alimento spirituali privamur .

cc S. Chrysost. hom. 83. in Matt.

Verum ne nosmetipſos in hoc desiderio fal-lamus , sciendum est , hujusmodi desiderium duplicitis esse generis , sicut duplex est fames

circa corporale nutrimentum; altera quæ provenit ex vera digestione, seu concoctione, estque salutaris; altera quæ provenit ex stomachi intemperie, estque mala, seu perniciosa; quia indicat aliquam indispositionem: sic accedit in nostro casu, & attentè advertendum est, an hoc desiderium communicandi, sit vera fames spiritualis alimenti, & procedat ab animo divino amore inflammato, ut ait supra relatus Divus Thomas; quo sit ut cupiamus uniri Christo, & ejus vitâ vivere? an sit perniciosa fames ab extranea aliqua causa, aut virtuosa qualitate proveniens, ut cum quis ob mundi honestatem, ad virtutis ostentationem, aut ob alia hujusmodi motiva ad sacram Communionem accedit.

Argumentum tutissimum, & evidentissimum in hac fame discernenda, est fructus, seu progressus qui percipitur ex sacra Communione, cum iuxta sanctos Patres, Jesus-Christus in hoc Sacramento se nobis praebeat, ut verè Dii simus, sicut ipse verè est homo. Idcirco si post Communionem quis fideliter carat abstinere ab iis omnibus, vel etiam minimis, quæ Deum offendunt, viarios afflatus superare, & à maculis quæ ex prava cupiditate nascuntur, se continuò purgare: tunc verum sine dubio est desiderium communicandi: tunc vera omnino fames Divini illius cibi.

*Ques.* 12. Est-ne consulendum iis qui se peccatorum mortalium consciens norunt, ut statim post Confessionem communicent?

*D. Th. in 4.* *Resp.* Dicendum, cum Divo Thoma, quod dist. 9. art. 4. non esset consulendum alicui, quod statim post q. 1. in resp. peccatum mortale, etiam contritus & confessus, ad 2. quæst. sus, ad Eucharistiam accederet, sed deberet, nisi magna necessitas urgeret, per aliquod tempus propter reverentiam abstinere.

*De Sacram. Euchar. Cap. XI. 207*

Et S. Ambrosius relatus in Canone ait:

Nonnulli ideo poscunt pœnitentiam, ut sta-  
tim sibi reddi Communionem velint. Hi non  
tam se solvere cupiunt, quām Sacerdotem li-  
gare: suam enim conscientiam non exuunt,  
Sacerdotis induunt, cui præceptum est: No-  
lite sanctum dare canibus, neque miseritis  
margaritas vestras ante porcos. *Hoc est, im-*  
*mundis spiritibus sacra Communionis non im-*  
*pendenda consortia.*

Denique S. Isidorus ait: *Caterūm si talia* S. Isidorus  
*sunt peccata, qua& quasi mortuum removeant* Hisp. lib. 14  
*ab Altāri, prius agenda pœnitentia est, ac de Officiis*  
*sic deinde hoc salutiferum medicamentum sus-* Ecclesiast.  
*cipiendum: qui enim manducat & bibt in-*  
*dignè, judicium sibi manducat & bibt. Hoc*  
*est enim indignè accipere, si eo tempore quis*  
*accipiat, quo debet agere pœnitentiam.* Idem  
habet S. Augustinus Epist. 100. S. Anselmus  
in 1. ad Corinth. cap. 11. Ita sancti Patres de  
summa hujus Sacramenti dignitate divinitus  
persuasi; sed non ita recentiores aliquot Ca-  
suistæ, qui vel maximè indignos ad sacram  
Communionem impellebant, ut patet ex se-  
quenti horrenda profecto propositione dam-  
nata ab Innocentio XI. *Frequens Confessio &* In Decreto  
*Communio, etiam in his qui gentiliter vi-* contra 65.  
*vunt, est nota prædestinationis.* Propositio-  
nes 2. Mar-  
tii 1679.

*Ques. 13. Quid injungere debent Con-* Propos. 56.  
*fessores Pœnitentibus imparatis, quibus ad*  
*aliquid tempus differunt sacram Communio-*  
*nem?*

*Resp.* Injungere debent, ac præscribere re-  
media, quibus removeantur ab omni peccati  
affectu; & primò eos obligare, ut mundanas  
dimittant conversationes, & in recessu vivant,  
prout uniuscujusque patitur status, sive con-  
ditio. Nam si Christus nutriturus animas

## 208 TRACTATUS IV.

nostras solo Deiverbo , nos immunes exigit à  
sollicitudine sæculi , & fallacibus mundi divitiis ,  
Matth. 13. asseritque , quod *Sollicitudo sæculi istius &*  
*fallacia divitiarum suffocat verbum , & sine*  
*fructu efficitur : requereret-ne fortasse minus*  
*ab iis , quos propria carne dignatur in hoc*  
*Sacramento pascere .*

Obligare eos debent , ut diligenter consciencias excutiant , agantque congruam pœnitentiam peccatorum , quorum se noverint conscos , cum hoc examen , & hæc pœnitentia debeat Communionem præcedere ex S. Anselmo supra relato .

Præscribere debent Confessarii , ut per aliquot temporis spatum orationi , & lectioni spirituali vacent ; in actibus humiliationis animæ & corporis se exerceant , eo quod propria culpa meruerint hoc Sacramento Divino privari , offerantque Deo in peccatorum satisfactionem afflictiones & labores propriæ cuiusque conditioni annexos .

Denique obligare eos debent , ut sæpè recolant , seu cogitent commoda & ingentes fractus , quos percepturi sunt ex hoc Sacramento , si se ad illud recipiendum disponant , ut oportet , omni bonorum operum genere , ut sunt jejunia , mortificationes , eleemosynæ , orationes frequentiores , & alii id generis pietatis & pœnitentiæ actus .

